



Prishtinë, 22 mars 2024  
Kodi i ZRRE: V\_1923\_2024

Bordi i Zyrës së Rregullatorit të Energjisë,

Duke u bazuar në:

- Dispozitat e Nenit 9, paragrafi 1, nën paragrafi 1.7, Nenit 15 paragrafi 1 nënparagrafi 1.5, Nenit 25, Nenit 26 paragrafi 1, nën paragrafi 1.2, Nenit 46 paragrafi 1 nënparagrafi 1.1 Nenit 47 paragrafi 3 nënparagrafi 3.3 dhe Nenit 48 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 27 të Ligjit për Energjinë Elektrike (Ligji Nr. 05/L-085);
- Dispozitat e Rregullës Nr. 05/2017 për vendosjen e të hyrave të lejuara maksimale të Operatorit të Sistemit të Shpërndarjes (Rregulla për Të Hyrat e OSSH-së);
- Njoftimin e ZRRE Nr. 566/23 Azhurnimet vjetore të të Hyrave dhe tarifave për OST/OT, OSSH dhe FSHU, të datës 12.12.2023;
- Vendimin për të Hyrat e Lejuara Maksimale për Operatorin e Sistemit, Transmisionit dhe Tregut OST/OT, Nr. V\_1922\_2024; dhe
- Aplikacionin e Operatorit të Sistemit të Shpërndarjes – OSSH (KEDS SH.A) ), Aplikimi për Të Hyrat e Lejuara Maksimal për vitin 2024, të dorëzuar më datën 22 janar 2024,

në seancën e mbajtur më 22 mars 2024 nxori këtë:

## V E N D I M

- I. APROVOHEN TË HYRAT E LEJUARA MAKSIMALE (në tekstin e mëtejshëm: HLM)** që do të mblidhen nga Operatori i Sistemit të Shpërndarjes (OSSH) KEDS SH.A., për vitin relevant tarifor 2024.
- II. Të Hyrat e Lejuara Maksimale** që do të mblidhen nga OSSH për vitin relevant tarifor 2024 janë **120,591,798 €**.
- III. OBLIGOHET** - Operator i Sistemit të Shpërndarjes (OSSH) në përputhje me Metodologjinë e Tarifave për Shfrytëzimin e Sistemit të Shpërndarjes dhe Metodologjinë e Taksave për Kycje në OSSH që të përgatisë dhe dorëzojë për aprovim në ZRRE tarifat për Shfrytëzim të Sistemit të Shpërndarjes, sipas këtij Vendimi.
- IV.** Ky vendim do të zbatohet nga Operatori i Sistemit të Shpërndarjes (OSSH/KEDS) duke filluar nga 1 prill 2024.



## ARSYETIM

- Zyra e Rregullatorit për Energji (ZRRE) më datë 12 dhjetor 2023 ka iniciuar procesin: Azhurnimet Vjetore të të Hyrave dhe Tarifave për Operatorët e Rregulluar duke përfshirë edhe Operatorin e Sistemit të Shpërndarjes (OSSH).
- ZRRE sipas njoftimit të saj ka vlerësuar se ky proces i Azhurnimeve vjetore të të Hyrave dhe Tarifave për vitin relevant tarifor 2024, ka për qëllim për të vendosur të Hyrat e Lejuara Maksimale (HLM) të të Licencuarit OSSH, për periudhën 1 prill 2024 deri më 31 mars 2025.
- ZRRE me datë 22 janar 2024 ka pranuar aplikacionin nga Operatori i Sistemit të Shpërndarjes (OSSH), për Të Hyrat e Lejuara Maksimal për vitin 2024.
- Gjatë procesit të shqyrtimit të aplikacionit për të hyrat e lejuara maksimale, nëpërmjet korrespondencave të vazhdueshme, ZRRE ka kërkuar nga OSSH dhënien e informacionit, përditësimin e të dhënave, argumenteve dhe dokumentacionit justifikues lidhur me të gjitha çështjet e evidentuara në mënyrë që të kemi transparencë për marrjen e një vendimi të drejtë dhe me kosto reflektive të tarifave.
- ZRRE pas vlerësimit fillestar të aplikacioneve lidhur me të Hyrat e Lejuara Maksimale (HLM/MAR) për të licencuarin e Operatorit të Sistemit të Shpërndarjes (OSSH-KEDS sh.a) me të dhënat e realizuara dhe parashikuara me treguesve teknik, ekonomik dhe financiar, i licencuari dhe palët tjera të interesit kanë pasur mundësi t'i paraqesin komentet e tyre përmes konsultimit publik për periudhë dy javore.
- ZRRE më datë 6 shkurt 2024 ka publikuar Raportin Konsultativ-Përshtatjet vjetore të Të Hyrave të Lejuara Maksimale KEDS, viti relevant tarifor 2024.
- Raporti konsultative ka paraqitur propozimet e ZRRE-së për HLM që do të mbulohen nga OSSH gjatë vitit relevant tarifor 2024. Të Hyrat e Lejuara Maksimale të miratuara do të përcaktojnë tarifatat për Shfrytëzimin e Sistemit të Shpërndarjes të cilat do të ju ngarkohen shfrytëzuesve të Sistemit të Shpërndarjes. Raporti është vënë në diskutim publik me synimin që të marrë komentet e palëve të interesit për propozimet e ZRRE-së.
- ZRRE gjatë konsultimit publik ka pranuar komente nga palë të ndryshme të interesit ndaj Raportit Konsultativ lidhur me Përshtatjet vjetore të Të Hyrave të Lejuara Maksimale për KEDS, dhe atë nga Korporata Energjetike e Kosovës (KEK), Instituti për Politika Zhvillimore (INDEP) dhe KEDS.
- Operatori i Sistemit të Shpërndarjes ka dorëzuar komentet me datë 21 shkurt 2024, ndaj Raportit Konsultativ për Përshtatjet vjetore të Të Hyrave të Lejuara Maksimale për KEDS.
- ZRRE po ashtu i ka analizuar edhe komentet e Korporata Energjetike e Kosovës (KEK), Instituti Për Politika Zhvillimore (INDEP) dhe KEDS, ku pas analizimit dhe vlerësimit profesional ka paraqitur përgjigjet me shkrim të cilat i ka përfshirë në Raportin Përfundimtar.



- Raporti Përfundimtar i Shqyrtimit të Hyrave të Lejuara Maksimale për OSSh, përfshinë edhe të dhënat e përditësuara nga OSSh, dhe përgjigjet në komente e palëve të interesit për çështjet e ngritura.
- Vlen të theksohet që të Hyrat e Lejuara Maksimale për OSSH-në do t'i nënshtrohen procesit të Përshatjeve të Rregullta Vjetore, sipas Rregullës Nr. 05/2017 për Të Hyrat e OSSH-së, të nxjerr nga ZRRE.
- Të Hyrat e Lejuara Maksimale OSSH-së pritet t'i mbledh përmes tarifave për Shfrytëzimin e Sistemit të Shpërndarjes (Tarifa SHSSH) të aplikuar te furnizuesit e licencuar.
- Bordi i ZRRE-së pas vlerësimit dhe analizimit të raporteve relevante dhe pas shqyrtimit të komenteve të pranuar nga palët, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.

V. Vendimi nxirret dhe publikohet në gjuhët zyrtare në Republikën e Kosovës.

VI. Vendimi hyn në fuqi në datën e miratimit nga Bordi i ZRRE-së, dhe i njëjti do të publikohet në ueb faqen zyrtare të ZRRE-së.

**Këshillë juridike:** Pala e pakënaqur me këtë vendim mund të inicioj konflikt administrativ në Gjykatën kompetente, brenda tridhjetë (30) ditëve, nga data e pranimit të vendimit ose data e publikimit të tij në faqen elektronike të ZRRE-së, cilado që ndodhet e fundit.

**Bordi i ZRRE-së:**

Ymer Fejzullahu, kryesues

Lutfije Dervishi, anëtare

Gani Buçaj, anëtar

Arta Isufi, anëtare

Adnan Preniqi, anëtar

**Vendimi iu dërgohet:**

- KEDS,
- KESCO,
- KOSTT dhe
- Arkivit të ZRRE-së.